



Broj: 16-12-16-2-5862- 15/15  
I. Sarajevo, 11.08. 2015. godine

Na osnovu člana 70. Zakona o javnim nabavkama ("Službeni glasnik BiH", broj 39/14), na preporuku Komisije za provođenje postupka nabavke broj 16-12-16-2-5862/15 od 05.08.2015. godine, u postupku javne nabavke materijala za čišćenje objekata Državne agencije za istrage i zaštitu, zamjenik direktora Državne agencije za istrage i zaštitu,  
d o n o s i

### ODLUKU

o izboru najpovoljnijeg ponuđača u konkurentskom zahtjevu za dostavljanje ponuda za javnu nabavku materijala za čišćenje

#### Član 1.

Prihvata se preporuka Komisija za provođenje postupka javne nabavke broj 16-12-16-2-5862/15 od 05.08.2015.godine i okvirni sporazumi za javnu nabavku materijala za čišćenje objekata Državne agencije za istrage i zaštitu dodjeljuju se i to:

- LOT 1 nabavka materijala za čišćenje sjedišta Državne agencije za istrage i zaštitu, ponuđaču KECKOM d.o.o. Banja Luka, ponuda broj 16-12-16-2-5862-8/15 od 14.07.2015. godine, za ponuđenu cijenu od 9.691,72 KM;

- LOT 2 nabavka materijala za čišćenje Regionalne kancelarije Mostar, LOT 3 nabavka materijala za čišćenje Regionalne kancelarije Banja Luka i LOT 4 nabavka materijala za čišćenje Regionalne kancelarije Tuzla, ponuđaču DEFTER d.o.o. Sarajevo, ponuda broj 16-12-16-2-5862-11/15 od 14.07.2015. godine, za ponuđenu cijenu za LOT 2 od 2.532,13 KM, za LOT 3 od 2.506,60 KM i za LOT 4 od 2.395,98 KM.

#### Član 2.

Ponuđači iz člana 1. ove odluke: KECKOM d.o.o. Banja Luka i DEFTER d.o.o. Sarajevo obavezuju se da u roku od pet dana od dana prijema iste ugovornom organu dostave dokaze iz člana 45. stav (2) tačka c) i člana 47. stav (1) tačka a) Zakona o javnim nabavkama (orginal ili ovjerena kopija), kao dokaz o ispunjavanju uslova iz tačke 3.1. Konkurentskog zahtjeva.

#### Član 3.

Prijedlog okvirnog sporazuma dostavit će se na potpis izabranom ponuđaču, po proteku roka od 10 dana, računajući od dana kada su svi ponuđači obaviješteni o izboru napovoljnije ponude.

#### Član 4.

Za izvršenje ove odluke zadužuje se Sektor za materijalno-finansijske poslove Državne agencije za istrage i zaštitu.

#### Član 5.

Ova odluka objavit će se na web stranici Državne agencije za istrage i zaštitu, istovremeno s upućivanjem ponuđačima koji su učestvovali u postupku javne nabavke.

#### Član 6.

Ova odluka stupa na snagu danom donošenja.

### O b r a z l o ž e n j e

Postupak javne nabavke materijala za čišćenje objekata Državne agencije za istrage i zaštitu (u daljem tekstu: Agencija), za period od jedne godine, pokrenut je Odlukom direktora Agencije broj 16-12-16-2-5862-1/15 od 29.06.2015. godine. Predmet javne nabavke podijeljen je na lotove, kako slijedi:

- LOT 1 - nabavka materijala za čišćenje sjedišta Agencije, procijenjene vrijednosti od 12.500,00 KM bez uračunatog PDV-a;
- LOT 2 - nabavka materijala za čišćenje Regionalne kancelarije Mostar, procijenjene vrijednosti od 2.550,00 KM bez uračunatog PDV-a;
- LOT 3 - nabavka materijala za čišćenje Regionalne kancelarije Banja Luka, procijenjene vrijednosti od 2.550,00 KM bez uračunatog PDV-a;
- LOT 4 - nabavka materijala za čišćenje Regionalne kancelarije Tuzla, procijenjene vrijednosti od 2.550,00 KM bez uračunatog PDV-a.

Postupak javne nabavke proveden je putem Konkurentskog zahtjeva, za koji je obavještenje o nabavci objavljeno na Portalu javnih nabavki broj 1161-7-1-664-3-15/15 od 02.07.2015. godine.

Komisija za provođenje postupka nabavke (u daljem tekstu: Komisija) dostavila je Izvještaj o radu broj 16-12-16-2-5862/15 od 05.08.2015. godine sa preporukom o izboru najpovoljnijeg ponuđača u postupku javne nabavke materijala za čišćenje objekata Agencije. Obzirom da je tačkom 6. Konkurentskog zahtjeva navedeno da je rok za dostavljanje ponude 14.07.2015. godine do 13,00 sati, te da se ponude dostavljaju u zatvorenoj koverti, Komisija je dana 14.07.2015. godine u 14,00 sati izvršila javno otvaranje ponuda. Predsjedavajuća Komisije je, na otvorenom sastanku, pristupila otvaranju primljenih ponuda prema datumu i vremenu prijema.

Dostavljeno je ukupno šest ponuda i to:

Redni broj	Naziv ponuđača	LOT	Vrijednost ponude (bez PDV-a)
1.	"KECKOM" d.o.o. Banja Luka	LOT 1	9.691,72 KM
		LOT 3	2.526,66 KM
2.	"ECOTIME" d.o.o. Sarajevo	LOT 1	14.670,44 KM
		LOT 4	2.949,23 KM

3.	“DEFTER” d.o.o. Sarajevo	LOT 1 LOT 2 LOT 3 LOT 4	9.808,20 KM 2.532,13 KM 2.506,60 KM 2.395,98 KM
4.	“R&S” d.o.o. Sarajevo	LOT 2	2.543,59 KM
5.	“GOLD MIGNON” d.o.o. Sarajevo	LOT 1	16.925,68 KM
6.	“INTER-COM” d.o.o. Zenica	LOT 1	13.520,45 KM

Komisija je nakon otvaranja ponuda, u smislu člana 63. st. (5) i (6) Zakona o javnim nabavkama (“Službeni glasnik BiH”, broj 39/14) (u daljem tekstu: Zakon) sačinila Zapisnik o otvaranju ponuda i isti u roku od tri dana, od dana otvaranja, dostavila ponuđačima.

Komisija je postupak nastavila u smislu pregledanja dokumentacije priložene uz svaku pojedinačnu ponudu, a u cilju ocjenjivanja svakog ponuđača, te njihove kvalifikovanosti shodno uslovima navedenim u Konkurentskom zahtjevu. Uvidom u sadržaj dostavljenih ponuda Komisija je utvrdila da ponuđači: “Keckom” d.o.o. Banja Luka, “Ecotime” d.o.o. Sarajevo, “Defter” d.o.o. Sarajevo, “R&S” d.o.o. Sarajevo, “Gold Mignon” d.o.o. Sarajevo i “Inter - Com” d.o.o. Zenica ispunjavaju kvalifikacione uslove u pogledu njihove lične sposobnosti, sposobnosti obavljanja profesionalne djelatnosti i ekonomske i finansijske sposobnosti. Takođe Komisija je utvrdila da navedeni ponuđači pored kvalifikacionih uslova ispunjavaju i formalno-pravne uslove predviđene Konkurentskim zahtjevom. Takođe Komisija je konstatovala da su ponuđači: “Keckom” d.o.o. Banja Luka, “Ecotime” d.o.o. Sarajevo, “Defter” d.o.o. Sarajevo, “Gold Mignon” d.o.o. Sarajevo i “Inter - Com” d.o.o. Zenica, koji su dostavili ponude za LOT 1, dostavili zvaničan prevod sastava djelovanja, područja upotrebe, doziranja i same primjene ponuđenog materijala za stavku pod rednim brojem 33. iz Specifikacije materijala za čišćenje, kako je to predviđeno tačkom 2.10. Konkurentskog zahtjeva. Komisija je utvrdila da su ponuđači: “Defter” d.o.o. Sarajevo i “R&S” d.o.o. Sarajevo, koji su dostavili ponude za LOT 2, dostavili uzorke za stavke 20. i 21. Specifikacije materijala za čišćenje, koji sadrže deklaraciju proizvođača sa sirovinskim sastavom proizvoda, kako je to predviđeno tačkom 2.11. Konkurentskog zahtjeva.

Nakon pregledanja dokumentacije priložene uz dostavljene ponude Komisija je u smislu člana 65. st. (1) i (2) Zakona ocijenila ponude kvalifikovanih ponuđača, primjenjujući kriterij najniže cijene tehnički zadovoljavajuće ponude iz tačke 8.1. Konkurentskog zahtjeva i sačinila rang listu ocijenjenih ponuda, počev od najuspješnije ka najmanje uspješnoj, kako slijedi:

Redni broj	LOT	Naziv ponuđača	Vrijednost ponude (bez uračunatog PDV-a)
1.	LOT 1	“Keckom” d.o.o. Banja Luka “Defter” d.o.o. Sarajevo “Inter-Com” d.o.o. Zenica “Ecotime” d.o.o. Sarajevo “ Gold Mignon” d.o.o. Sarajevo	9.691,72 KM 9.808,20 KM 13.520,45 KM 14.670,44 KM 16.925,68 KM
2.	LOT 2	“Defter” d.o.o. Sarajevo “R&S” D.O.O. Sarajevo	2.532,13 KM 2.543,59 KM
3.	LOT 3	“Defter” d.o.o. Sarajevo “Keckom” d.o.o. Banja Luka	2.506,60 KM 2.526,66 KM
4.	LOT 4	“Defter” d.o.o. Sarajevo “Ecotime” d.o.o. Sarajevo	2.395,98 KM 2.949,23 KM

Nakon provedenog postupka ocjenjivanja dostavljenih ponuda, Komisija je utvrdila da je ponuda ponuđača "KECKOM" d.o.o. Banja Luka ocijenjena kao najpovoljnija ponuda za LOT 1, da ista podliježe primjeni preferencijalnog tretmana domaćeg, dok je za LOT 2, LOT 3 i LOT 4 najpovoljnija ponuda ponuđača "DEFTER" d.o.o. Sarajevo i da ista podliježe primjeni preferencijalnog tretmana domaćeg.

Shodno navedenom, prihvaćen je prijedlog Komisije i odlučeno je da se predmetni okvirni sporazum dodijeli ponuđačima "KECKOM" d.o.o. Banja Luka i "DEFTER" d.o.o. Sarajevo kako je navedeno u članu 1. ove odluke.

Pouka o pravnom lijeku: Protiv ove odluke može se izjaviti žalba Uredu za razmatranje žalbi Bosne i Hercegovine, u roku od pet dana od dana dostavljanja iste. Žalba se podnosi putem Državne agencije za istrage i zaštitu.

Na izjavljenu žalbu ponuđač je obavezan platiti naknadu u skladu sa članom 108. Zakona o javnim nabavkama.

DOSTAVLJENO:

- Ponuđačima 6x,
- Sektoru za mat - fin poslove,
- a/a.

